



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Dvb. 4. Vtrum liceat aliquando confiteri no[n] integrè ratione casus
reseruati.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

sonis obliget etiam remissio peccato, est, quia remissio peccati est finis huius præcepti, non substantia: atqui cessante fine in particulari, non idcirco cessat obligatio præcepti, modò nihil contrarium illi fini & intentioni legislatoris eveniat ex obleruatione; vt docent omnes Doctores: & patet in præcepto ieiunij, cuius finis est maceratio carnis, quod tamen non desinit obligare, etiam si hac maceratione quis opus non habeat: & in præcepto Baptismi, cuius finis est remissio peccati originalis, quod tamen non desinit obligare, etiam si peccatum hoc remissum sit; vt patet Act. 10. v. 47. Idem patet in præcepto Eucharistie, & alij multis.

DVBI VM IV.

Vtrum liceat aliquando confiteri non integrè ratione casus reservati?

25
Peccata
quædam
referuari
posse, est
de fide.

Suppono Primo: Posse superiores Praelatos aliqua peccata grauiora, tum ratione culpe, tum ratione censuræ annexæ, sibi referuare, à quibus inferiores non possint absoluere: quod fide tenendum est. Patet ex Concilio Tridentino sess. 14. cap. 7. & canone 11. & Capitulo Si Episcopus, de Penitentijs, & remissionibus in 6. & ex perpetua Ecclesiæ consuetudine, quam esse antiquissimam patet ex Cypriano epist. 13. Ratio est: quia eis omnes Sacerdotes in sua Ordinatione accipiunt à Christo potestatem iudiciarum, qua: ex parte iudicis est necessaria, non tamen accipiunt subditos, in quos hanc exerant: sed hos accipiunt à Pontifice mediate vel immediate, scilicet per Episcopos, & alios Praelatos. Sicut ergo in horum potestate est dare hos vel illos subditos; ita etiam in potestate est subdere illos absolute, vel tantum secundum certos casus. Quod vt interdum facerent, sicut conueniens ad disciplinam populi Christiani, vt ait Concilium Tridentinum: tum vt quorundam peccatorum grauitas magis innotesceret, hominique se magis ab illis contingerent; tum vt efficacior medicina quibusdam grauioribus peccatis adhiberetur. Simile videmus in Tribunalibus Principiū, qui multas causas suæ cognitioni referuare solent, quas inferioribus Iudicibus non permittunt.

26
An peccata
pure men-
talia pos-
sent refe-
rari,

Suppono Secundò: Hanc reservationem discretè fieri debere ad ædificationem, & non ad destructionem, vt inquit Concilium Trident. cap. 7. Hinc peccata pure mentalia non debent referuari. Si tamen Superior non concederet potestate ea absoluendi inferiori, habent dumtaxat jurisdictionem delegatam, valida esset referuatio: quia hæc Iurisdictio ex nudo Superioris arbitrio dependet. Secùs, si inferior haberet Iurisdictiōnem ordinariam, vt Parochus: quia hæc Iurisdictiō non pendet ex arbitrio Superioris immediati, sed ex ipso Iure. Vnde inferior sine iusta causa non potest eā priuari.

27
Nulla nuda
culpa refe-
ratur
Popz.

Suppono Tertiò: Pontifici nullos casus esse reservatos, nisi ratione censuræ annexæ. Vnde si constat sublatam esse censuram, vel eam non sufficere incursum ob ignorantiam iuris vel facti, iste casus non erit amplius referuatus; vt tenet communis sententia Doctorum. Vide Nauarrum cap. 27. num. 261. Episcopis autem reseruantur etiam casus ratione folius culpæ. Vide Nauarrum ibidem, & numero sequenti. Et patet ex Sy-

nodo Mechlinensi De Sacramentis capite 6. vbi referuantur Episcopo raptus virginum, homicidium, incendium delictatum, simonia, fordomia, heres, apostasia, incastus cum consanguineâ aut sanctimoniali, iniectione manuum, in parentes cum lafione, fortilegium, adulterium notorum, & omnia delicta excommunicatione maiores annexam habentia. His positis:

Respondeo & Dico Primo: Quando penitens casus habens reservatos, adit Superiorē, vt ab eo absoluatur, verius est Superiorē non posse audire sola referuata, & ab ijs absoluere, remissio penitentis pro ceteris ad inferiorem: ac proinde non potest dimidiari confessio ratione casus referuati. Ita Silvester V. Confessio 1. quæst. 19. Adrianus qu. 4. de Confessione. Melchior Canis Relatio ne de penitentia part 5. & alij. Ratio est: quia integritas confessionis & absolutionis est iurius diuini. Vnde, nisi causa legitima cogat, neque confessionem dimidiare, neque super dimidiatam ferre sententiam absolutionis licet: atqui hic non interuenit causa legitima: nam vel Superior potest audire omnia, & ab omnibus absoluere; vel si non habet tempus audiendi omnia, sed solum referuata, potest illum sine absolutione mittere ad inferiorem, cui integrè confiteatur, cum potestate, vt ab omnibus ab solu posset.

Notandum tamen est, Contrariam sententiam esse plurimorum Doctorum, nempe superiorē, præsertim Episcopum, & summum Penitentiariū Pontificis, posse audire sola referuata, & ab ijs absoluere sacramentaliter, remissio penitentis pro ceteris ad inferiorem. Ita tenet Henricus Quodl. 1. q. 29. Paludanus, & Richardus dist. 17. Item Antoninus, Gerson, Dominicus Soto, Petrus Soto, Ioannes Medina, Caietanus, & Nauarus. Vnde non videtur improbabilis.

Dico Secundò: Si penitens, habens casus referuatos, confiteatur eos inferiori non habent potestatem in illos, inferior non potest eum absoluere, nec à non referuatis, nec ab alijs absoluere, ut Superiorē pro absolutione accedant. Colligit autē Concilium id ex eo, quod sententia lata in eum, in quem Sacerdos non habet iurisdictionem, sit inutilia. Item, quia Concilium dicit In articulo moris peccata non esse referuata, ne pereat quis ratione reservationis: ubi aperte indicat Sacerdoti non esse licitum absoluere vlo modo manente reservatione: si enim posset absoluere, etiam indirecte, non esset periculum ne quis periret ratione reservationis. Vnde manifestè sequitur non posse inferiorē absoluere aliquem à referuatis. Sed quod neque à non referuatis tunc possit absoluere, patet; quia Iure diuino tam absolutio, quam confessio debet esse integra.

Dices: Ergo Confessio, & Absolutio, etiam bona fide facta sit, erit irrita.

Respondeo: Ita sanè quidam Doctores sentiunt, inter quos Richardus & Adrianus, & quidam huius aetatis: idque probant Primo: ex verbis Concilij citatis. Secundò, quia hoc Iudicium penitentia Iure diuino debet esse integrum, sic ut non

ut non possit diuidi: ergo cùm inferior non habeat potestatem in peccata referuata, nec sententia possit ferri in sola non reservata, cùm absolutio debeat esse integra, nihil efficiet. Tertiò: quia censura reddit incapacem absolutionis. Hæc sententia videtur satis consentanea verbis Concilij.

Verùm quia est admodum dura, magis probatur nobis contraria, quæ est communior Doctorum, scilicet confessionem & absolutionem esse validam, etiam pœnitentibus habeat casum ratione culpæ vel censuræ referuatum, cumque confiteatur non habenti potestatem in illum casum, modò bona fide sic confiteatur, & Sacerdos iurisdictionem habeat saltē in aliqua eius peccata mortifera. Ita Nauarrus cap. 9. nu. 4. & 7. & in Capit. Fratres, de Pœnitentiâ dist. 5. num. 45. & 50. vbi citat multos alios: & Caietanus verbo, Absolutionis impedimenta, & verbo Cœfessionis iteratio. Victoria quæst. 3. de Excommunicatione. Idem tenet Henricus Quodlib. I. suprà Durandus dist. 17. quæst. 15. num. 8. Paludanus, Gabriel, Antoninus, Silvester, Ioannes Medina.

Ab incommodis. Probatur: Quia alioqui plurimi fideles grauiter deciperentur cum magno salutis periculo, idque sine villa sua culpa. Plerique enim Parochi & Confessores per orbem ignorant censuras & casus referuatos, vnde sine discriminè absoluunt ab omnibus. Si hæc absolutione esset irrita propter reservationem, fideles nihil ex ea perciperent fructus, & præterea teneretur confessiones suas omnes repeterere: quod sanè maximam perturbationem conscientiis, & damnum animabus adferret. Accedit: quod fideles non possint scire, an Parochus habeat potestatem absoluendi à censuris, vel à casibus referuatis: vnde sine omni sua culpâ priuarentur fructu Sacramenti, etiam si facerent omnia, quæ humano more facere debent, & possunt: quare meritò semper essent anxii. Et confirmatur: quia referuatio debet fieri ad adiunctionem, & non ad destructionem, vt dicit Concilium Trident: atqui si sic esset, facta esset in destructionem. Quare existimandum est, Ecclesiam in hijsmodi casibus tacito consenso dare iurisdictionem inferioribus, sicut dat ijs qui non habent titulum, nisi coloratum, vt Pœnitentes possint absoluiri à culpa & à censurâ ad effectum Sacramenti consequendum, non tamen à reservatione, sic vt maneat postea obligati se fistere superiori, vbi intellexerint casum referuatum fuisse. Hoc enim modo consulitum fidelium salutis, & nihilominus casuum referuatio consequitur suum finem.

3¹ Responde-
tor ad Tri-
dentinum
num. 29. ci-
tatum, Vnde ad Primum R̄espone: Sacerdotem inferiorum extra articulum mortis nihil posse in casibus referuatis. Primo, Nisi Ecclesia, tacito consensu, ratione bona fidei pœnitentis, det illi iurisdictionem, quasi per modum transenit. Secundo, & melius: nihil posse licet, & eo modo, vt tollat reservationem. Hinc tamen non sequitur absolutionem esse irritam, si detur, quando Pœnitens bona fide procedit, quamvis Sacerdos peccet eam dando; sicut dictum est de eo, qui habet titulum coloratum. Si tam pœnitens sciret Sacerdotem non posse, non esset valida absolutione: tum quia tunc non subfaret illa ratio concedendi iurisdictionem; tum quia peccaret petendo à Sacerdote, quod sine peccato non potest præstare.

Episcopi possumus Lu-
reciomani, aboluere à
referuatis Pontifici,
adjuvante, inferiores Sacerdotes, id est, inferiores Epis-

copis, nihil posse in casibus referuatis extra articulum mortis, quia luce communi possunt Episcopi absoluere à casibus referuatis Pontifici, etiam extra articulum mortis, scilicet quando ad eum non patet facilis aditus ob æratem, lexum, debilitatem, vel aliam iustum causam: vt patet Capitulo, De cetero: & Capitulo, Ea noscitur: & Capitulo, Quod de his, de Sententia excommunicationis. Postea tamen sic absolvitus, cessante impedimento, tenetur se presentare Pontifici: vt patet ex eisdem locis.

Ad Secundum: Respondeo, Non diuidi hoc iudicium, quia inferiori censetur data potestas in hoc casu, tacito quadam Ecclesiæ consensu, quæ validè quidem, eis non licet, absolvit eum, qui bona fide ei confitetur. Potest etiam concedi illud iudicium diuidi, & Sacerdotem non rectè facere, tamen validè, quia in aliqua habet potestatem directam.

Ad Tertium: Excommunicatio pœnitentis non reddit illum incapacem absolutionis à peccatis, sicut neque gratiæ & iustificationis, sed solum facit, ne quis licet possit absoluiri à peccatis, vel aliud Sacramentum percipere ante absolutionem ab excommunicatione. Quare si ignorantia excusat illum, valida erit absolutione.

Dices: Si Sacerdos inferior non potest licet absoluere pœnitentem à casibus referuatis, quid faciet pœnitens, si necessariò sit celebrandum, vel communicandum, nec possit adire superiorem?

Respondeo: In hoc casu potest communicare contritus sine confessione, tanquam non habens copiam Confessoris.

Aduerte tamè, Quando aliqua talis necessitas virget, nō esse improbabile, Confessorē inferiorē posse licet pœnitentem absoluere à casibus referuatis, si censuram annexam non habeant. Sic enim sentiunt plurimi Doctores suprà citati, qui non solum tenet absolutionem esse validam, sed etiā Sacerdotem inferiorum posse sic absoluere, modò pœnitens non habeat censuram referuatum; tunc enim fatentur Sacerdotem non posse sine peccato. Teneri tamè pœnitentem postea illud peccatum referuatum confiteri superiori.

Non tamen videtur multum probable, quidquid Caietanus & alij quidam dixerint, posse facilius nulla virget: nam Concilium Trident. satis aperte contrarium insinuat. Ratio est, quia si hoc esset permisum, tolleretur sollicitudo, quam Pœnitentes habere debent, vt absolvantur à referuatis.

D V B I V M V.

Vtrum, si quis confessus ei, qui habet potestatem absoluendi à referuatis, fuerit oblitus confiteri referuata, maneat referuatio?

R̄ Espondeo: Plurimorum sententia est, non manere referuata, si oblitio pœnitentis fuit inculpata, ita vt non reddiderit irritam absolutionem: vnde postea à quovis Sacerdote habente aliquam in illum iurisdictionem posse absoluiri. Ita teneret Couarruias in Capit. Alma, 1. parte §. 11. num. 12. vbi citat multos alios, & Nauarrus in Enchirid. cap. 26. num. 12. & 13. Ratio est, quia ille Sacerdos habens potestatem, sive ordinariam, sive delegatam, intendit absoluere quantum po-

Responde-
tur ad alia
argumenta
Richardi &
Adizani.

In necessi-
tate si non
vales adire
Superiorē,
conterere.

Probabile
est te posse
confiteri ss
absoluiri.

33
Probabile
est non ma-
nere refer-
uationem.